

乾隆四明圖經

四明圖經卷十一

宋元四明志
卷十一

宋

張

津

等

撰

後漢孝子董君碣銘

崔殷

後漢至行董君諱黯字叔達句章人也依乎中庸率性
純白少孤獨立事親不匱歡菽以盡其歡柔色以溫其
省高堂登壽慈顏衷如和以肥家安不擇地其徙居也
庭出寒泉其執喪也林集祥鳥明誠必感庸德惟懋施
及千載橫於四海其大孝也歟夫大道未隱不獨親親
逮德下衰乃有慈孝行以名揚情以禮飾季武矯而服
緘子春強而過禮此離道以善非天性之孝也子云無

違參則直養素冠有諷和琴不成此禮經之孝也文舉
棄子士游出妻動非先意何以觀式雖曰可紀或近沽
名此非教之孝也夫子一與之質道與之和生於東溟
介居夷島俗遠詩禮性復著存無貽一日之憂終報其
天之怨負土成壟枕干不言卒斬東鄰祭于中野所謂
生知而上成心以隨欲蓋而彰強名曰孝加於古之君
子數等矣和帝聞其異行特捨專殺之罪召拜郎中不
起竟以壽終夫受命令於時惟松柏也冬夏青青稟靈
於天惟夫子也能全正性六代祖仲舒漢太中大夫嗣
孫宇春領廬江太守世爲郡中名族故以董孝名鄉慈

溪署縣鄧江之俗薰然遺風皇唐大厯八載余分竹茲
郡訊古欽賢環堵已蕪遺記將落徘徊故邑尙想餘範
則夫子之行可以德類於人葺宇崇祠昭銘垂代豈不
務矣銘曰

自刃可蹈仁鮮能存黃金可鑠德無閒言道喪於季賢
生復古知禮近夷變風於魯豈曰無衣寒燠以宣豈曰
無魚泉流在庭黃鳥哀音下感棘心哭無常聲灑血盈
襟江水湯湯東注窮越夫子德音與之不絕

奉國軍節度使彭城錢公碑銘 崔仁冀

嗚呼魯誅宣尼謂顓天不弔齊銘文獻謂半岳摧峰彼

惟歎哲此乃傷宗終始禮全儻有貴乎啟足短修分定
亦奚甚乎威容我國家系自仙靈基於神武岐周孫子
瓜瓞綿綿而逾長魯衛弟兄棣華韡韡以方盛其分宗
之大勛業之高班布前書煥列今史可得而略焉公卽
武肅王之孫文穆王之第十子今大元帥吳越國王之
大弟也諱億字延世錢塘人也天垂象而列爲公輔岳
炳靈而誕作英髦神清如水鑑旁輝表異而山庭上聳
未當就傳之歲已有能文之性採蠟珠而爲鳳智與識
偕洩雞白以成碑辭兼理勝生七歲而後異志千里以
自然驪珠擅愛於掌中鳳綽推恩於膝下未出閣歲制

授尙書禮部郎中尋改中直都指揮使檢校司徒開國
伯食邑七百戶罷南宮之錦帳講上將之玉鈐鴻羽漸
昇犀渠是肅辛丑歲文穆王升遐八極忠獻王纘服二
邦繼體守文作治輿人之望自家刑國先推睦族之恩
天福八年六月授公起復雲麾將軍檢校太子太保尋
歷太傅太尉尙書右僕射開國侯加食邑至一千五百
戶端右纓儀於庭鷺具瞻旋遍於臺鸞俄自五宗言同
三品丁未歲我上應楚庭之當拜副代邸之奉迎乾坤
定位於太初雷雨覃恩於洪覆指棲雞之堞將正階司
顧審象之求不遐天序堯俞所屬康誥履行公於是大

空土之資真濟川之秩監董狐之史筆總天祿之殿書
宗相變和而惟允霸君垂拱以仰成未幾上以鎔山煮
海之權富國強兵之本式資心計以贍軍須乾祐元年
四月委公判兩浙鹽鐵仍封新定郡公加食邑五百戶
夜思經濟豈唯師孔僅前修歲入羨盈不假辟李華傍
贊四明提封千里雲屋萬家貢分於齒革羽毛俗殷於
魚鹽蜃蛤南琛交貿有蠻舶以時來東道送迎有皂華
而歲至御選茲任非親勿居明年五月授公判四明諸
軍事易利建侯詩優布政攬轡有蘇舒之志下車多惠
愛之方南畝嗇夫荷決渠降雨之利東野編戶安熬波

出素之業郡歌來暮朝議陟明屬我上守位以仁因心
則友念犬牙之相制式賴親親當龍首之高居常迴瞻
睠奉綸言而獎授擇寶器以頒宣駱驛道途蟬聯歲序
其間擁旌入覲執玉在庭每將梁孝同居親爲東平行
邸恩光不二禮分特高故得大國進封遙裂翦鵠之壤
羣官處長兼同浴鳳之儀顯德初丁周國明懿善慶太
夫人憂尋從泣血之中仰奉奪情之典泊大宋皇帝起
陸龍難應天革命以我上秉三世之大節北面尊周率
萬國之諸侯同心戴舜霸業騰高於踐土寵章廕及於
在原建隆元年勅命公爲奉國軍節度使自膺帝命彌

勵政經內和民人外固封守福星坐照周旋六考之間
甘雨行隨康濟一方之內必謂受祿未艾介福猶登無
何方寸之間忽御名在育之亟台星中拆晉司空早自知

亡喪氣東行荆太守俄鍾此釁以乾德五年春二月丁
卯薨于府城之正寢享壽凡二百二十六甲子哀聞達
聽痛軫上心七日罷朝百官奉慰博議易名之典御名求

監護之才制贈官諡曰康憲以其年四月庚申葬于本
軍奉化縣禽孝鄉白石里之原禮也守龜告曰踣馬開
聲哀引長驅指蒿塋而去去悲風四起咽笳吹以淒淒
北邙永閟於幽屬南氏空書夫遺績公星潢演派虹玉

滋苗出藩入輔之才諒由天賦緯武經文之業且見日
新其政理也簡靜爲先緩猛相濟愛如冬日穆若清風
班鐵赤於旗亭市無二價設師箠於閭里路不拾遺其
課績也與賦均登述民緼覆疏鵠陂而資旣注創鼇榭
以追勝遊設險守邦大峻金甌之制樹碑紀績親刊黃
絹之辭其文學也洞究百家冥搜萬象蚪蚪書出於魯
壁芙蓉詩生在謝塘玉如意之揮時紛紛兼講銅鉢聲
之敲處續續成章其伎藝也授劍術於猿公傳弓聲於
鴈將章呈擅敏草聖推工顧悞曲於坐隅五音潛別覆
殘碁於碑背一路無遺其風度也玉海千尋黃陂萬頃

折旋中矩終讌不疲菊映漉巾陶亮乃羲皇上客雪沾
鶴氅王恭眞神仙中人其理性也得古佛之指歸經祖
師之印可鍊寶結生天之果布金追卬配之恩啟迪言
筌豈止作山陰都講發揮心要固將同方丈上人總是
全材誕爲英器而乃際吾主隆平之運極周親友愛之
恩入專和嶠之車出仗辛毗之節況復有厚於國有慶
於家康樂鳳毛悉聯榮於仕路太冲紈素俱結偶於相
門委大化以如歸考終命而不亂斯盡善矣復何慊哉
紀是殊政宜乎大手仁翼也綵筆懸名銀臺辱召奉綸
言而比事抽軋思以僅成刻在琅玕遠愧乎披文相質

冥諸冥冥聊防乎深谷爲陵謹爲銘曰

東南福地表裏仙岡牒稱著姓識述興王極天基大積
石流長秦中鹿走浙右龍驤武祖敦興文考光啟國霸
曾史家肥載禮乃子乃孫宜兄宜弟磐石分封平臺立
耶國之貴介才自天生蟾供研滴霞翦詩情爰居西耶
是則東平爲霖入用同氣分榮地曰句章州名海岱乃
輟牢盆言驅大旆六考之閒百城之內民詠安堵史書
課最霸君敦愛裂地酬勳天王覃寵奉國名軍圭桐舊
剪符玉新分如搢天柱如捧日雲誓著山河任兼將相
水薤政聲金縢德望適賴永藩忽悲中喪影澹三階位

虛五帳鄧山之下鄞水之濱令茲著兆擇得蒿鄰風旌
飄瞥露挽酸辛爲陵有日大夜無晨生理四明民享餘
利歿窆四明神資吉地有召茆兮興歌有羊碑兮墮淚
公之德兮公之功百世可知於錫諡

唐心鏡大師碑

崔琪

釋氏之宗也得了悟真機則曠劫不礙自釋迦去世至
曹溪已降指心傳心祖系綿續下分萬派不墮本枝故
得之者則迴超覺路坐越三界大師之道契萬派之一
流也大師諱藏奩俗姓朱氏蘇州華亭人也母方娠及
誕嘗聞異香則知兜率降祥來從百億劫幼懷貞慤長

契牟奧松風水月未足比其清華仙露明珠詎能方其
朗潤故以智通無累神淵未形超六塵而迥出隻千古
而無對爲兒時嘗墜井有神人接持而出卅歲出家師
事道曠禪師弱冠詣中嶽受具戒母念其遠思之輒泣
因一目不視及歸省母卽日而明母喪哀毀廬墓徵瑞
備顯由是名稱翕然歸敬者衆因欲薙茅誅木與禦燥
溼遽感財施充積堂廡乃崇院側有湖湖有妖神漁人
禱之必豐其獲罾罾交翳腥羶四起大師詣其祠而戒
之鱗介遂絕後挈瓶履以歷湖山靈境異跡遊覽將畢
復詣五洩山遇虛默大師一言辨析百契符會噫顯晦

之道日月之所然也聖教其能脫諸故會昌大中衰而復盛惟大師居之瑩不能惑所謂焚之不熱溺之不濡者也洎周洛再名御長壽寺勅度大師居焉時內典焚毀

梵筴煨燼手緝散落實爲大藏故南海節度楊公典姑蘇日請大師歸于故林以建精舍大中十二年分宣宰任景求舍宅爲禪院迎大師居之剡寇裘甫率徒二千執兵晝入大師冥心宴坐神色無撓盜衆皆悸懾叩禮逡巡而退寇平郡中奏請改禪院爲棲心寺以旌大師之德凡一動止禪者畢集環堂擁榻堵立雲會大師學識泉湧指鑑岐分詰難排疑之衆攻堅索隱之士皆立

褰苦霧坐泮堅冰一言入神永破沈惑以咸通七年秋
八月三日現疾告終享年七十七僧臘五十七先是命
香水剃髮謂弟子曰吾七日在矣及期而滅門人童弟
號擗泣血乃權窆于天童巖弟子培墳藝樹三載不開
忽一日異香凝空遠近郁烈弟子相謂曰昔奉大師遺
囑令三載之後當焚我身今三載矣異香其啟我心乎
乃定厥議揭龕發塋再覩靈相儼若平生以其年八月
三日禮法茶毗于天童巖下祥風瑞雲竟日隱現獲舍
利數千粒紅翠交輝白光上貫十三年弟子戒休資舍
利述行狀詣闕請謚奉勅褒誅謚曰心鏡塋曰壽相鳴

呼菩薩之變通也出顯入幽視現無極其可究乎大師
自童孺詎耆耄陳言措行皆胎感應復以證前生行業
知示滅之日時苟非位躋十地根超上品孰能造於是
耶在長壽寺時謂衆僧曰昔四明天童山僧曇粹乃吾
之前生也有墳塋存焉相去遼遠人有疑者及追驗事
實皆如其言景求將逝大師也人或難之對曰治宅之
始有異僧令大其門二十年之後當有聖者居之比大
師至止二十一年矣初大師將離姑蘇爲徒衆留擁乃
以偈拂與之曰吾拂在此矣爾何疑焉及大師潛行衆
方喻其深意又令寺之西北隅可爲五百塾以鎮之衆

曰力何可及大師曰不然作一整種柏五株卽五百整也凡微言奧旨皆此類也至若闕乎關諭生死宏敷至蹟不可備論咸通十三年琪祇命四明郡戒休以其跡徵余之文遂直書其事以旌厥德銘曰

空王設喻煩惱無涯惟大師心照盡塵沙大師降靈吳之華亭方娠載誕厥間惟馨童蒙墮井神扶以室母思眇目歸省而明漁人禱神其獲豐盈一戒祠宇施鼠莫嬰象教中虧貞葉斯墮手集三乘遺文可披識羊祐環知仲尼命正色兵威寄詞譚柄我來作牧空企音塵琢慈貞石庶乎不泯

雪竇山資聖寺明覺大師碑

呂夏卿

夫真空不空是有無證寂滅不滅是往來相佛以權實之法開頓漸之徑使隨器而趨之有不離道場得大智慧有難行苦行爲人天業日月爲明矣而盲者不見瞎毛舟桡可濟矣而溺者淪於波浪人之未有惡明而忘濟者其心一也其塗異矣昆蚊之性羣行食啄倦則息觸則避求所以安樂不待教而能也人之於貴賤貧富壽夭得喪不知自然之分愛惡悲欣廉貪靜躁糾纏桎梏無所解脫晝勞形骸夜勤夢寐至於老死且不知息彼昆蚊之所以安樂人顧不能也佛之教人推性命之

際以極天地之外乃至觀身如掌中物傳付法寶不寓
文字是爲禪那山岳之大有時而泐金石之剛有時而
剝形器之用也我則異於是無去無住無取無離不見
于外不見中內不見于閒自利義也利他仁也是謂涅
槃妙心諸佛法印無上微妙祕密圓明真實正法眼藏
佛以授摩訶迦葉傳僧伽梨衣以待補處出世爲成道
之符自是衣法相傳二十有七世香至王子初入中國
諡曰圓覺圓覺傳大祖大祖傳鑑智鑑智傳大醫大醫
傳大滿大滿傳大鑒大鑒藏衣傳法而已大慧繼之大
寂承之其後皆以所居稱若天皇龍潭德山雪峰雲門

香林智門此其世次也禪師諱重顯字隱之大寂九世之孫智門之法嗣也俗姓李氏母文氏以太平興國五年四月八日生大師於遂州始生瞑目若寐三日既浴乃豁然而寤屏去輦血不習戲弄七歲有僧過其門挽持袈裟喜不自勝聞梵唄之聲輒泣下父母問其故懇請出家父母執不可師不食者累日咸平中終父母喪詣益州普安院仁銑師落髮爲弟子大慈寺僧元瑩講定慧圖覺疏師執卷質問大義至心本是佛由念起而漂沈伺夜入室請益往復數四瑩不能屈乃拱手稱謝曰子非滯教者吾聞南方有得諸佛清淨法眼者子其

從之彼待子之來也久矣師於是東出襄陽至石門聽
禪師之席居三歲機緣不諧聰諭之曰此事非思量分
別所解隨州智門祚禪師子之師也師乃徒錫而詣之
一夕問祚曰古人不起一念云何有過祚招師前席師
攝衣趨進祚以拂子擊之師未曉其旨祚曰解麼師擬
答次祚又擊之師繇是頓悟尋往廬山承天林禪師道
場問之曰法爾不爾云何指南林曰只爲法爾不爾師
遂拂衣而退衆皆股慄有毀於林者林諭衆曰此如來
廣大三昧也非汝等輩以取舍心可了別也師辭往池
州景德寺爲首座爲衆解肇法師般若論知州曾公會

至以果子抵于地曰古人云不離常處常湛然卽今在何許師指景德長老曰只此長老亦不知落處曾公云上座知也不得無過師曰明眼人難瞞師南游杭州住持蘇州洞庭翠峰嗣智門也未幾曾公出守明州手疏請師住持雪竇資聖蘇人固畱不可師曰出家人止如孤鶴翹松去若片雲過頂何彼此之有雪竇本智覺禪師之道場智覺亦雪峰五世孫備傳琛琛傳益益傳韶而壽繼之智覺其號也一法同源而地有盈虛師之至猶家焉決潢沔變清泚掖蹕偃爭迅馳州邦遠近輻湊下座駙馬都尉和文李公表錫紫方袍侍中賈公又奏

加明覺之號師住持三十一載度僧七十八人先是門弟子建壽塏于寺之西南五百餘步一日命侍者灑掃塏亭行至山椒歷覽久之曰自今過此何日復至左右皆大驚衆迎師還師堅指塏所衆皆號泣隨至塏前或曰師獨無頌辭世邪師曰吾平生患語之多矣翌日出杖屨衣盂散遣其徒有問疾者畱食殷勤與之約曰七月七日復來相見是夜盥浴整衣側臥而滅時皇祐四年六月十日俗壽七十三僧臘五十夏以七月初六日入塏如師之約嗚呼師得妙用善機不取諸法故能知去來達性命故方是時升堂皇游牆藩者悟性相體空

頓息萬緣爲大乘法器曰義懷在和凡百五十人傳其
法於天下彼遮護意根網絆初心背覺合塵逐念流徙
得少爲多妄立知見雖三詣投子九陟洞山師亦援手
濡足而無以救之是猶孔子之有宰我孟子之有盆成
括非其師之過也自師出世門人惟蓋文軫圓應文政
遠塵允誠子環相與哀記提倡語句詩頌爲洞庭語錄
雪竇開堂錄瀑泉集祖英集頌古集拈古集雪竇後錄
凡七集師忠語之多而其徒悵然猶以爲編摛有遺蓋
利他之謂也余得其書而讀之二十餘年矣雖瞻仰高
行而祿利所縻無由親近使得稽首避席霑被法雨覺

悟塵勞庶幾可教者今蔑如之何師辭世十有三年碑表未立餘杭僧惠思撰行業錄與其徒元圭覺濟大師悟明繼踵過門裒文請銘以余跂慕之心重之以門人之請之勤抑有待耶愚公叩壤以移山雖不量力其誠則至矣謹焚香再拜繫之銘曰

噫蠢愚背本源一念異生二根勝與劣駟馬奔嗜所得自詐謾失大道南北轅艾至老愉朝昏正遍覺天人尊迷者挽溺者掀朝瞰出慧霾雲渴得漿寒得薪悟報化知非真趣安穩擺客塵王叔生廣佛事破六宗應彈指法來東非會際信衣傳隻履逝頂五山真法器立積雪

殊其臂忍非忍得法髓債必償有裔嗣皖公潛佛日翳
翩南游立如楷乞解脫彊哉慧攘蜂蠆神兵衛破頭峰
衆雲從橫六氣醜二宗教任意付懶融黃梅兒陌上童
闕七相了諸空聖服勞杵曰傭和心偈陪爭鋒夜南驚
懷是逢帝稽首睇下風舟復新葉歸叢有道得無心通
世有承四衆依燈相續堦應簾師異稟自孩提斥腴雋
蹈聖梯慈固拒不得施起恭孝終苴縗銑落髮瑩質疑
漢之東得我師抉盲噴柞荒薈昔無有今委蛇遇霑洽
發萌萑淫蛙鳴鍾未簏魚目藏明珠吐巋二山下擔負
來萬里足繭踣旬春雷披墊戶辨縛解決去住沃醍醐

天童山交禪師塏銘

黃龜年

黃龍南禪師受法於慈明傳臨濟正法眼藏叢席之盛
冠絕諸方一傳而東林總得之東坡先生贊之曰巍巍
總公僧中之龍再傳而泐潭乾得之無盡居士贊之曰
禪人過得香卓子它日鑪中莫負恩又再傳而天童交

得之潁川了翁贊之曰拶破黃龍第四關世人猶問生緣法是二三巨公遍遊名社究此一事因緣非大善知識深悟宗乘確然奇特爲天人眼目詎肯筆端推重之如此耶余大觀初寓四明招提見了翁贊語讀之聳然又聞四方衲子繭足而至者歎慕畏服交口一詞詢其宗旨所自來則曰臨濟兒孫是真端的者遂攜杖屨請從師遊徐而叩之則崇岡峻嶺壁立千仞未足以喻堂皇之峭拔也迅霆怒雷不及掩耳未足以喻機鋒之敏捷也長江浩流洪鍾巨響未足以喻辨才之無窮也是真所謂大善知識者歟從游久之因以遐想當年黃龍

叢席之盛而坐揖東林泐潭之遺風知師之門庭凜凜
其所由來者舊矣師諱普交明州鄞縣萬齡鄉畢氏之
子自幼穎悟未冠從釋初往錢塘南屏山聽天台教觀
因修懺悔佛事遇道人於途中忽問曰師之懺罪爲自
懺耶爲懺它耶若自懺罪罪性何來若懺它罪它罪非
汝烏能懺之師不能對歸詰南屏亦不能決遂憤然辭
去尋師訪道幾遍天下逮造泐潭泐潭知其爲法器見
入門卽訶之擬問則杖之使去師不敢復進一日忽呼
之曰我有古人公案要與商量何不自室中來師擬進
泐潭喝之師豁然有省呵呵大笑泐潭下繩牀執師手

曰汝會佛法耶師以手托開亦喝之泐潭呵呵大笑而坐師以偈呈曰若人問我解何宗一喝須教兩耳聾杓黃齏飽喫了生涯總在鉢盂中自是機辯迅發學徒爭歸之士大夫數虛席以迎師悉遁去歸隱天童山掩關卻掃者八年偶寺闕主僧羣僚邀師甚力遣介候於道師不得遁居之六年引退以宣和六年三月二十日沐浴陞座留偈辭衆曰寶杖敲空觸處春光陰掣電舊曾聞昨宵風動寒凜冷驚起泥牛耕白雲擲筆坐逝俗壽七十七僧臘五十八後七日開龕儼然如生闍維獲五色舍利頂骨牙齒不壞以其年四月十日葬于天童

寺山之西原師修持清苦行履孤潔正揚祖令灑落軼
羣鮮有能湊泊其機者凡見僧來必訶罵之曰榔栗未
擔時爲汝說了也且道說个什麼吹毛洗鉢招扇張弓
趙州柏子靈雲桃花且擲放一邊山僧無恁麼問唇吻
與汝打葛藤何不休歇去拈拄杖悉逐之泐潭聞之笑
曰要人如此悟解僧堂草深一丈去也師旣得法於泐
潭猶欲遍參一時號爲尊宿者聞師至皆倒屣出迎必
居第一座故雖爲天童山主人矣而叢林至今猶以交
首座稱之亦足以見師之禪望疇昔藹然不待出世而
後道行也嗣法者三十餘人雲巖泰誠香山彥文吉祥

清逢智門行潛茂椿圓應太平子瑄德圓道場山曇俊
皆能傳師之道闡揚于時以余知師最詳屢以銘文見
屬義不可辭乃銘曰

西來誰露真消息教外別傳要端的黃龍佛法付兒孫
臨濟宗風本奇特珍重天童老古錐聲名四海日星垂
當年一喝獅子吼狐狸望風而避之直截機鋒難湊泊
摘葉尋枝何太錯滿堂龍象競交參側耳惟聆師一語
虛空撲落水流東護塢松楸長舊叢龜毛拂子三千丈
光彩流傳太白峰

延慶院圓照法師塢銘

何涇

余故居鄞江之東舍南不百步有古招提曰廣壽崇宣
間住持圓照法師者以義學導其徒以求丐給其食以
寬恕不擾御其下時廣壽衆二百堂廚蕭然無僦石儲
師每旦未明則就講講罷具小舟徧走檀越門所至無
貧富皆樂施暮必捆載而歸如是者十餘年雖嚴寒隆
暑不少輟余固已異之未幾偶相見軀幹堂堂音吐如
鍾蓋偉然奇男子也徐與之語論辯蟬聯出人意表辭
深意祕落落難窮詰其所宗則曰天台大師吾祖也其
教卽言說而詮解繇文字而契性空語其次第因戒
入定因定發慧慧生八萬四千法門攝諸方寸而無餘

擴之照用而皆足要其極致則心離名字法等虛空空
假雙融有無俱遣成法破法皆名涅槃智慧愚癡通爲
般若包大千而不礙亘萬古而常存茲所謂不與法縛
不求法脫無得無證極深而探蹟者與不然又安得稱
不思議境耶余益服其辯博始大奇之爾後師數主名
刹余亦宦遊南北聲跡了不相聞一日比丘悟定清皎
自城抵山居寒暄外袖出文書一通曰先師圓照法師
已葬願丐公筆誌其塋余旣與師有疇昔之雅又熟其
行業之詳故不辭而與之銘師諱梵光字和甫姓楊氏
圓照其錫號也世居明州奉化縣初母王氏感異夢而

娠十有二月迺生旣生室有異香親族嗟駭髫齡警穎
不類常見授以備書一覽輒誦年十二出家依普安院
整修爲師十六落髮受具戒器識已自卓越一朝語曹
輩曰三世諸佛戒爲根本菩薩六度率先尸羅戒律吾
儕稍染也詎可一日亡哉迺詣湖心壽聖見通照律師
授以毗尼之學凡三年盡通律部始來延慶從神智習
台教無幾何厭城市囂塵慨然有遊方志卽東走丹丘
禮智者塢仍遍歷祖師往昔經遊地當是時天台教盛
於浙西秀有智普杭有元淨梵臻四海學徒風馳雲合
惟恐其後師聞欣然卽日芒屨西去初見辯才淨師於

天竺嘉其精專爲授記蒞及傳圖頓大義得解脫知見
復之白牛慧海謁梵慈普師心法相契一見忘歸留十
有三年日夕諮叩雖疾病不廢業或勸其養病少休則
日朝問道夕死可矣普講法華至如來壽量品廣揚三
身報應遂於言下大悟久之求還鄉普撫其背曰吾道
東矣子去必大振四明法席宜自愛旣歸止郡之承天
衆請說法舉塵揚音滿座嘆服俄請住茅山普安師受
業院也居有閒太守王公資深以廣壽召師焦勞一紀
聲價愈光政和四年春屬延慶虛席太守呂公淙固請
不獲辭初離廣壽其徒願從者百有二十卻之弗聽於

是延慶增至五百衆其盛殆過法智之席矣給事中傅
公墨卿使三韓寄徑四明傳家會稽稔師譽望首過延
慶請陞座敷宣妙旨歎重久之因贊所繪像以示傾倒
靖康改元高麗遣使修貢及境訪師云國王問訊翹佇
大名無階瞻禮謹獻法衣一幷寄海東曉師所著疏論
二百卷屬師流通名稱遠聞雖蠻夷亦知嚮慕焉建炎
三年以老謝去退居茅山湛明菴婆娑林泉七閱寒暑
將有終焉之志後寓奉化之福聖會延慶燬廢積年太
守仇公忞思得人以振起之迎師再還至遯避力辭終
不許入院日郡僚畢集竚聽講演仇公嘆曰微言發覆

聞所未聞士庶無不改觀紹興十二年示疾丐閑衆挽
留之不能乃以院事付傳法弟子道琛而歸老于擇陽
之悟真住持義誠者師弟子也平日尤所親善故往依
焉擇陽之西半里許卽前發運使陸公寘之舍館陸倅
明時雅重師與爲方外友至是數過從明年春忽謂陸
曰老病久以口腹累悟真且辱公屢顧銜戢亡可言者
生雖無常滅必有所今將以後事託延慶請從此辭陸
公卽具舟楫遣行旣抵延慶沐浴更衣跣趺宴坐集衆
誦無量壽經索筆書遺訓付稟法弟子復作頌告別投
筆於几再命衆誦安樂行品至深入禪定見十方佛恬

然隱几而逝實紹興十三年三月八日也俗壽八十僧
臘六十四手度弟子二人曰正勤正因師孫八人升堂
入室稟法傳道者二百餘人其餘四方學者殆不可勝
紀以是年四月二十八日葬于城南崇法院祖塋之側
師天資樸素不事矯飾坦率有度量待人無貴賤之殊
公卿與臺禮遇惟均或者難之則曰吾法以平等爲心
常不輕爲行豈容分別耶其在講席如妙彛文句止觀
皆再終帙平居似不能言至剖析經旨決隱破疑霏霏
如吐木屑聽者終日忘倦諷唄齋薰尤務虔恪雖陰功
密行痛自韜晦若乃隨緣利物卻鬼救災顯然在人耳

目有不可得而隱者初住延慶宣和壬寅夏旱祈禱備至而旱日甚郡中官吏以式法築壇請講雲雨經始披軸則雲興甫離席而雨作一境霑然卒賴以濟昌國縣戴氏爲鬼物所擾呼巫覡召羽流百方驅禳故弗效迎師誦呪及門而祟滅其在福聖道俗請師講授大乘菩薩戒奉化縣鄔氏子方疾革如有物憑附語家人輩曰吾汝之先人久處幽冥間人閒有光法師者道行高潔爲衆施戒是日冥中異類悉脫沈淪故得暫歸別汝師之異跡如此非一然亦未嘗語人人或詰問則正色拒之領家衆逾五十載接物度人始終如一日及其示滅

識與下識皆涕泣戀慕云頌曰

宣尼居邠士絕橫議夢奠之後儒墨分類大雄降靈心
印不二金棺甫闔教禪殊致歧判途別其歸則同曰教
曰禪均助宗風教或譏禪執有非通禪復訶教病在隔
空兩者紛紛互相矛盾孰能統一各固封畛於赫天台
悼法將泯兼綜二家爲世標準妙乎文句教是以明開
止觀門禪那邁行智者旣寂傳數十燈垂五百禩法智
中興飛英鄞江掀雷抉電又百餘年不絕如綫逮生圓
照死灰復煽遙追二智示佛知見脫法齊衆蓋五十春
匪怒伊教其徒日親懷斥異端如薙荆榛拯漂援溺如

航巨齋盛德辟邪妖彪犇怖聲譽遠騰蠻夷嚮慕早既
太甚演經澤靈幽魂靡託戒法能度襟量汪汪軀幹堂
堂釋門領袖慧苑琳琅道行雖高鍤采埋光豈如塵鄙
自伐已長化緣旣周跣趺告別不斷世諦示有生滅惟
師之心鑑像水月嵩岱可磨師名不沒

龍井新廟紀德碑

張良臣

乾道二年郡自夏不雨六月我制置敷學趙公分禱山
川丁丑鄞尉趙君公礪將命來龍井讀祝竟天油然作
雲得蜺蜴二以歸戊子有司迎神甬水門至則猶不雨
公亟起告中甫燎薰雨則大至越三日告足尉復奉神

歸已事而竣俄有光發波閒如叢炬復紅燄飛動下見龍之首甚大不違顏咫尺大復現小復現全體鱗甲燭燭有光久不沒陰風颼然見者魄變神動已而前二蜥蜴躍起注視劇若送歸者問傍香火老僧皆合爪歎未有丐上其事七月建新祠拜神之庶不忘良臣謂周漢之際咸有壯侯巨屏以衛王室晉介江甸迺有琅琊武王保釐東夏汝南文成總一淮許扶風梁王遞据關右爰暨東嬴作司并州雖託茲腹心而風迹不競惟我敷學內自色養外以事君庶民無不誠惟誠故能幽通萬物之情龍宜有知者也故公命之不訾期而雨施轉耗

數之憂爲豐年之慶新祠是營以安神娛於惟休哉方
尉之旼其事盡勤又圖有言以見之良臣不肖實拜其
辱夫以羊祜登臨峴山而湛輩依以揚聲矧吾屬藁筆
撰屢得以奉公周旋異時依乘餘光圖寫金石且有大
於此者今姑志祠之所從事以刻諸其側尙俾來者有
攷歲次丙戌八月十三日記

隱學山復放生池碑

沈 遼

隱學山之棲真寺有放生池焉在錢湖之陰其流西出
而南匯其爲浸五百畝唐大厯時宏教詮師於此修行
垂三十年有徒萬指方天下鑿放生池而此寺最爲勝

者以錢湖之廣彌亘數百里而蟲魚龜鼈蠹蚌之屬咸
集於幢下洋洋然圉圉然使有生之命饗無窮之樂者
於是爲聖人之澤其至乎詮師入滅其徒散去五代焚
擾寺與池且廢而其故址餘波幾不可辨較大厯之世
方袍圓頂者百無一在而居離離若將旦之星或在或
亡尙誰統律哉熙寧元年太常博士張侯岫爲令乃復
改作使聚十方僧以寶雲正公領之未踰時而正公去
以修公至主之縣爲召山旁耆耄畫其經界於是地倣
正矣後三年黃侯頌時民或治其地益辨正之四隅爲
立石表焉蓋池與湖相通而不相犯也迨今光祿丞虞

侯大宣乃始白於州州爲出檄以詔來者然後畢復大
厯之勝矣余以爲放生池者以好生之德被及羣物堯
舜之事也爲政者以堯舜之事事于上其可不謂賢於
人乎今教主修公乃昭慶法師之高弟本天台之學爲
時所依嚮以余備官於州往來數相從請余紀其因緣
之緒余方得惠施之樂而識流水之義於是喜爲書之
而不拒焉熙寧七年十一月辛亥承奉郎行太常寺奉
禮郎監市舶司錢塘沈遼記

新刻漏銘

王安石

戊子王公始治於明丁亥孟冬刻漏具成追謂屬人嗟

汝子銘自古在昔挈壺有職匪器則弊人亡政息其政
謂何弗棘弗遲君子小人興息維時東方未明自公召
之彼寧不勤得罪於時厥荒懈廢乃政之疵嗚呼有州
謹哉惟茲茲惟其中俾我後思

香山智度寺新鐘銘

舒 亶

慈溪香山智度寺作鐘樓而鐘不稱於是正覺禪師謀
新之一治而就寶元符改元十一月五日也是寺真應
大師真身在焉冥感旁通四走檀施則是鐘不日而成
豈特人力也哉亦樂居士舒亶聞而贊嘆爲之銘曰
三界冥冥白日夜行非雷非霆聞者震驚是聲是空破

一切聲十方三世不離其中是聲非有假一切手復歸
於盡誰作誰受是大因緣具大神力非聲而聲不德而
德其萬斯年與世作則

白鶴廟銘

陳玠

白鶴廟本出臨海郡民世奉事舉無怠者凡所虔請疾
苦響答明之象山與台境連其民素聞神之異遂立祠
塑像如台民之事每亢旱禱雨亦未嘗無應焉迺知神
公心享誠靈通濟物不特限乎一方也神之本末事跡
嚮台從事蘇君作記得其詳此不復紀敢從而爲之銘
以刻諸象山之祠且以示來者銘曰

道本虛寂術無邪正在人施爲孰譎孰令譎焉則訛令
焉則行偉哉公阿學仙臻聖曩歲入台時方薦病爰以
其術救民之命民受其賜莫不安定及乎云亡衆憫遭
橫共建祠宇依山之勝至今禱祈蔑有虛應生術弗佞
沒靈孔多禦患捍災厥功可歌酌是道也非正而何象
山之民嚮神之異迺剏廟寢塑神像位祠祭必恭曷敢
慢事凱此蒙福與台同致前歲仲夏時雨輒愆邑簿石
君款祠告虔會未崇朝四野霽然今我來斯甫十旬日
復遇亢陽苗殖幾失三詣謁款應禱若一焉知炳靈非
昔之術我河既盈我稼既蔚室家咸熙如愈重疾皆神

錫休敢不昭述簫鼓皇皇牲肥稻香民之德神子孫不忘海波渺瀰海山巍大神其福民萬世永賴

妙喜泉銘

張九成

育王爲浙東大道場地高無水僧衆苦之紹興丙子佛日禪師杲公受請住持周旋其間命僧廣恭穿穴茲地爲一大池鍤鍤一施飛泉溢涌知州事姜公祕監見而異之名曰妙喜無垢居士爲之銘曰

心外無泉泉外無心是心卽泉是泉卽心或者疑之以問居士心在妙喜泉是育王云何不察合而爲一居士曰來汝其聽取妙喜未來泉在何處妙喜來止泉卽發

生心非泉乎泉非心乎謂余未然妙喜其決之

寶陀山觀音贊

黃龜年

稽首寶陀山觀音大菩薩三十二妙應垂福於人天慧
日廓圓明隱微無不照我等由宿植於菩薩有緣曩昔
一毫端菩薩悉能鑒今茲一何幸聯檣來寶山淑景德
惠風滄海如鑑淨朝發東秦岸須臾達蓮宮僧飯洗鉢
時相與瞻遠嶠□□跨巨浪側足骨毛□自念塵仳身
得伴清淨侶同聲諷密語復念我師名注目渴慈光忽
覩紫金相崆峒石窟上宴坐自在容雲霧不蔽虧跪禮
得良久偕來無老稚咸識應現尊讚歎且忻懽得所未

曾有我念現前衆中多大福人久新迎我師所禱如響
應爲我懺衆惡遂亦見如來同辦起心香復陳一日供
倘以昔善積獲此大吉禎願敦未來因永託如來記浮
生如夢幻孰處放教生戒殺多素羞廣閱如來藏分陰
實可惜棲遲必山林料理般若舟長想菩提岸羣生迷
苦海匪援使知津其發向上心無□同佛會

基法師眞贊

楊 億

巍巍哲士出生像李演教台巖領徒鄆水安養靜因假
中了義花綫談空薪灰滅智雷潮聞寂丹采章施卓爾
具相儼然正思牛檀匪欲犀柄如揮師承有衆瞻諦焉

依

智覺禪師真贊

并序

陳 瓘

吳越錢氏崇信佛法智覺禪師妙以覺應身爲其師範
錢氏之好生戒殺師有助焉聖宋之興也錢氏重民輕
士捨別歸總用師之勸誨也嗚呼總相無虧別願自滿
錢氏之尊主庇民餘波自潤不悖之福流及其後師之
方便總別偏圓無不具矣初吳越天台智者教有錄而
多闕師謂錢氏曰日本國有之錢氏用師之言貽書致
金求寫其經本今其教盛行江左發信之士得而習證
師之力也師所著宗鏡錄一百卷禪經律論與世閒文

字圓融和會集佛大成考師之行事然後讀師之書則師所建立可不言而喻矣師錄所引周易禮記之言謂儒佛不同建立各異語不可徇文不足據故曰後儒皆以言辭小同不觀前後本所建立但兄言有小同不知義有大異是知不入正宗焉知言同意別未明正眼窻監名異體同所以徇語者迷據文者惑然則入宗明眼者不著文字依語滯文者未免迷惑融乎宗鏡則一而已矣一而不一三亦非三寂然不動猶爲建立之言名異體同何必混和其相我今所贊歎者亦師之相而已矣雖然既有相矣敢不讚乎讚曰

師之性大而嚴師之相人所瞻性相不二南北一致別
不壞總大故如是

與雪竇法藏大師開堂病不能赴以偈隨喜

陳 瓘

明覺曾來坐道場百年優鉢再馨香清天忽作風雷吼
知是高人正舉揚

四明陳及之日誦金剛經於如如堂多年矣忽
於誦經之所有芝草之祥作伽陀以贊之

陳 瓘

念念然燈佛發此無根草堂上默觀之髮白何曾老

江瑤柱傳

蘇軾

生姓江名瑤柱字子美其先南海人十四代祖媚川避
合浦之亂徙家閩越閩越素多士人聞媚川之來甚喜
朝夕相與探討又從而鑄琢之媚川深自晦匿嘗喟然
謂其子孫曰匹夫懷寶吾知其罪矣向子平何人哉遂
棄其孥浪跡涅塗中潛德不耀人莫知其所終媚川生
二子長曰添丁次曰馬頰始來鄞江今爲明州奉化人
瑤柱其世孫也性溫平外慤而內淳稍長去襦頰頰長
而白皙圓直如柱無絲髮附麗態父友庖公異之且曰
吾聞人多矣昔人夢資質之美有如玉川者是兒亦可

謂瑤柱矣因以名之生寡欲然極好滋味合口不論人是非人亦甘心焉獨與義眉洞車公清溪遐巨子望潮門章舉先生善出處大略相似所至一坐盡傾然三人者亦自下之以爲不可及也生亦自養名聲動天下鄉里尤愛重之凡歲時節序冠婚慶賀合親戚燕朋友必延爲上客一不至則慊然皆云無江生不樂生頗厭苦之間或逃避於寂寞之濱好事者雖解衣求之不憚也至於中朝達官名人游宦東南者往往指四明爲善地亦屢屬意於江生惟扶風太守不甚禮之生浸不悅跳身武林道感溫風得中乾疾爲親友强起置酒高會座

中有合氏子亦江淮間名士也輒坐生上衆口歎美之
曰聞客名舊矣蓋鄉曲之譽不可盡信韓子所謂面目
可憎語言無味者非客耶客第歸人且不愛客而棄之
海上遇逐臭之夫則客歸矣尙何與合氏子爭乎生不
能對大慚而歸語其友人曰吾棄先祖之戒不能深藏
海上而薄游樽俎間又無馨德發聞惟腥宜見擯於合
氏子而府公貶我固當從吾子游於水下苟不得志雖
粉身亦何憾吾去子矣已而果然其後族人復盛於四
明然聲譽稍減云

太史公曰里諺有云果蓏失地則不榮魚龍失水則不

神物固宜然人亦有之嗟乎瑤柱誠美士平方其爲席
上之珍風味藹然雖龍肝鳳髓有不及者一旦出非其
時而喪其眞衆人且掩鼻而過之士大夫有識者亦爲
品藻而置之下士之出處不可不御名也悲夫

請杜醇先生入學書

王安石

人之生久矣父子夫婦兄弟賓客朋友其倫也孰持其
倫禮樂刑政文物數制事爲其具也其具孰持之爲之
君臣所以持之也君不得師則不知所以爲君臣不得
師則不知所以爲臣爲之師所以并持之也君不知所
以爲君臣不知所以爲臣人之類其不相賊殺以至於

盡者非幸歟信乎其爲師之重也古之君子尊其身恥
在舜下雖然有鄙夫問焉而不敢忽敏然後其身似不
及者有歸之以師之重而不辭曰天之有斯道固將公
之而我先得之得之而不推餘於人使同我所有非天
意且有所不忍也某得縣於此踰年矣方因孔子廟爲
學以教養縣子弟願先生畱聽而賜臨之以爲之師某
與有聞焉伏惟先生不與古之君子者異意也幸甚

再書

王安石

惠書何推褒之隆而辭讓之過也仁人君子有以教人
義不辭讓固已爲先生道之今先生過引孟子柳宗元

之說以自辯孟子謂人之患在好爲人師者謂無諸中而爲有之者豈先生謂哉彼宗元惡知道韓退之母爲師其孰能爲師天下士將惡乎師哉夫謗與譽非君子所卹也適於義而已矣不曰適於義而惟謗之卹是薄世終無君子惟先生圖之示詩質而無邪亦足見仁人之所存甚善甚善

新機

銘
唐心鏡大師碑

以其跡
劉本其下有遺字

四明圖經卷十一

鄞 徐時棟校刊

四明圖經卷十二

宋元四明六志弟十二

宋

張

津

等

撰

太守題名記

唐開元二十六年置明州首命秦舜昌爲本州刺史至
皇朝建隆二年就畀錢億以奉國軍之節凡十有八年
而其猶子惟治繼太平興國二年二泐圖籍歸我職方
徙惟治於鎮國軍始選朝臣右贊善大夫趙易知爲太
守自建隆迄今蓋百一十有八人而旣去復來者劉瑄
陸傳李友聞張汝舟仇念趙伯圭六人典鄉郡而畱再
任者樓昇秩未滿而被命再任者張公津今著列於後

錢億

奉國軍節度使建隆中

錢惟治

奉國軍節度使開寶中

趙易

知太子贊善大夫太平興國年

錢象先

太常博士雍熙年

陳矜

侍御史端拱年

孫扶

吏部郎中端拱年

巨崇元

淳化年

陳充

殿中丞淳化年

胡旦

祕書監淳化年

凌景陽

度支員外郎淳化年

鮑當

職方員外郎至道年

徐繼宗

司封員外郎至道年

丁頤

庫部員外郎咸平年

王膺

虞部員外郎大中祥符年

蘇耆

戶部員外郎大中祥符年

范諷

祠部員外郎直史館大中祥符年

康孝基

太常博士大中祥符年

劉綽

太常博士大中祥符年

李夷庚

吏部員外郎直史館天禧年

燕肅

司封員外郎天聖年

曾會戶部郎中集賢殿修撰天聖中劉廣司勳員外郎天聖年

張交司封員外郎明道中李照刑部員外郎明道年

林殆庶屯田郎中集賢校理景祐年徐起太常少卿景祐年

張弇司封員外郎景祐年席平太常少卿景祐年

李制侍御史資元中鮑亞之兵部郎中康定年

錢延年工部郎中集賢校理慶曆年陸軫工部郎中直史館慶曆年

王周司封郎中慶曆年范思道戶部郎中直龍圖閣慶曆年

沈扶祠部員外郎慶曆年安稹度支郎中祕閣校理皇祐年

呂昌齡金部郎中皇祐年沈同工部郎中至和年

齊廓兵部郎中祕閣校理嘉祐年鮑軻工部員外郎嘉祐年

錢公輔

太常博士祕閣校理嘉祐年

郎玘

工部郎中嘉祐年

李思道

兵部郎中治平年

俞昌年

兵部郎中治平年

趙誠

太常少卿治平年

王罕

太常少卿熙寧年

苗振

光祿卿熙寧年

李紘

戶部郎中祕閣校理熙寧年

曾鞏

直龍圖閣熙寧年

李定

集賢殿修撰元豐年

馬圻

曾任左司員外郎元豐年

王誨

曾任宗正少卿元豐中

王汾

直龍圖閣元豐年

韓宗道

曾任司農少卿元祐年

李萃

曾任兵部郎中元祐年

李閼

曾任虞部郎中元祐中

王子淵

曾任光祿少卿元祐年

張修

曾任太府少卿元祐中

劉淑

曾任戶部郎中元祐中

呂溫卿

曾任軍器少監元祐中

姚劬

實文閣待
制紹聖年

劉琨

曾任戶部郎
中紹聖年

王子韶

集賢殿修
撰紹聖年

劉琨

紹聖
年

葉濤

曾任起居舍
人紹聖年

韋驥

曾任戶部郎
中元符年

陸傳

曾任兵部員外
郎建中靖國年

王資深

集賢殿修
撰崇寧年

葉棣

曾任吏部員
外郎崇寧年

彭休

曾任吏部員
外郎大觀年

白同

曾任刑部郎
中大觀年

錢景逢

曾任本路提刑
就差大觀年

宋康年

曾任戶部郎
中大觀年

陸傳

曾任祠部郎
中大觀年

檀宗旦

曾任太僕少
卿大觀年

蔡肇

顯謨閣待
制政和年

李圖南

顯謨閣待
制政和年

呂宗

曾任軍器少
監政和年

周秩

集賢殿修
撰政和年

周邦彥

直龍圖閣
政和五年

毛友

顯謨閣待制
政和六年

樓昇

徽猷閣待制
政和七年至宣和四年

李友聞

直龍圖閣
宣和四年

蔣彝

直祕閣
宣和四年

蔣猷

徽猷閣直學士
宣和四年

趙億

右文殿修撰
宣和六年

魏憲

顯謨閣直學士
宣和七年

李弼

直祕閣
宣和八年

李友聞

集賢殿修撰
宣和八年

蘇攢

直龍圖閣
建炎元年

金受

直祕閣
建炎二年

沈晦

集賢殿修撰
建炎三年

張汝舟

直祕閣
建炎三年

劉洪道

徽猷閣待制
建炎四年

向子志

直祕閣兼管內安撫使
建炎四年

張汝舟

直顯謨閣兼管內安撫使
建炎四年

吳懋

直祕閣兼兩浙東路兵馬鈐轄
建炎四年八月四日到任

陳戩

寶文閣待制兼兩浙東路兵馬鈐轄紹興元年十二月十五日到任

陸長民

直祕閣兼兩浙東路兵馬鈐轄紹興二年八月十五日到任

李承造

直龍圖閣紹興三年三月初三日到任

郭仲荀

檢校少傅慶遠軍節度使兼沿海制置使紹興三年十月十三日到任

仇念

徽猷閣待制兼沿海制置使紹興五年八月十六日到任

周綱

直龍圖閣兼主管內安撫司公事紹興八年二月十三日到任

潘良貴

集英殿修撰兼主管內安撫司公事紹興九年六月初九日到任

仇念

徽猷閣待制兼沿海制置使紹興十年六月十八日到任

梁汝嘉

寶文閣學士兼浙東沿海制置使紹興十一年八月十三日到任十二年十一月除

提舉江州太平觀

莫將

敷文閣學士左朝請郎紹興二十二年十一月二十四日到任十四年十一月除提舉江州

太平觀

秦棣

敷文閣待制紹興十五年正月初二日到任十七年四月除知宣州

徐琛

右中奉大夫充敷文閣待制紹興十七年四月二十六日到任二十年四月十日除知平

江府

曹泳

右朝請大夫直徽猷閣紹興二十年五月初三日到任二十二年六月十九日除知紹興

府

韓璣

右奉直大夫提舉兩浙路市舶兼權知明州紹興二十二年七月初三日到任二十三年

三月初七日除兩浙運判

李莊

右中奉大夫直顯謨閣紹興二十三年四月初二日到任是年十二月十二日差提舉台

州崇道觀

王會

敷文閣直學士右朝請郎紹興二十四年六月初十日改

除兵部侍郎

李流

右朝請大夫紹興二十五年六月二十

方滋

右朝請大夫直敷文閣紹興二十五年九月初一日罷任

王候

右朝議大夫紹興二十五年十二月二十

姜師仲

左朝請大夫直祕閣紹興二十六年十二

差主管台州崇道觀

趙善繼

右朝散大夫直祕閣紹興二十八年十月初八日到任二十九

任

張偁

右中奉大夫充祿閣修撰紹興二十九年七月十一日到任三十年六月初五日除提舉

台州崇道觀

沈該

特進觀文殿大學士紹興三十年七月十三日到任三十二年閏二月十三日致仕

韓仲通

敷文閣直學士右正議大夫紹興三十二年閏二月二十三日到任隆興元年五月

知紹興府

趙子浦

龍圖閣直學士左通議大夫兼沿海制置使隆興元年六月十三日到任二年六月

知福州

趙伯圭

敷文閣直學士右奉議郎兼沿海制置使隆興二年十月十八日到任乾道二年十

二月十八日再任三年三月二十四日丁母憂罷任

張津

右朝散大夫直祕閣兼主管沿海制置司公事乾道三年五月十五日到任五年五月十

五日被命再任

趙伯圭

龍圖閣學士右朝請郎兼沿海制置使乾道五年十月初五日到任八年三月十三

日再任淳熙元年十一月初九日改除宮觀○
按曰已下十六人係後守續補者語詳校勘記

皇子魏王

永興成德軍節度使雍州牧開府儀同三司兼沿海制置使淳熙元年十二月

十七日到任七年二月初七日薨背

范成大

中大夫兼沿海制置使淳熙七年三月二十一日除端明

殿學士知建康府

趙益

武德太夫文州刺史浙東提點刑獄公事復旨兼權淳熙八年閏三月初五日到任是年

四月十一日交割回司

謝師稷

朝散大夫祕閣修撰主管沿海制置司公事淳熙八年四月十一日到任九年十月

乾道十二

六

煙嶼樓校本

十三日

楊

司農少卿直顯謨閣淳熙九年十一月二十

趙師夔

朝奉郎充敷文閣待制兼沿海制置使淳熙十一年十月十三日到任十三年七月

初九日改差知平江府

耿秉

朝奉郎祕閣修撰兼主管沿海制置司公事淳熙十三年八月初十日到任是年九月二

十七日請朝假

延璽

武功大夫高州刺史權兩浙東路提點刑獄公事被旨兼權淳熙十三年十月十六日到

任是年十二月二十三日交割回司

岳甫

朝奉郎兼主管沿海制置司公事淳熙十三年十二月二十四日到任以本路提舉常平

司除十五年十一月二十五日除尚左郎中十六年三月二十七日交割起發

林栗

中奉大夫集英殿修撰知明州兼沿海制置使淳熙十六年三月二十七日到任在任除

煥章閣待制紹興元年八月二十
五日差提舉江州太平興國宮

程大昌

實文閣直學士宣奉大夫知明州兼沿海制置使紹熙元年十一月初三日到任初

入日
宮觀

林枏

朝請大夫直煥章閣知明州兼主管沿海制置司公事紹熙二年正月初六日到任是年

十月內除直徽
兼閣知福州

虔儔

朝奉大夫權兩浙東路提點刑獄公事被旨兼權紹熙二年十二月初二日到任是月二

十九日交
制回司

高夔

朝散大夫右文殿修撰紹熙二年十二月二
十九日到任三年十二月初八日改除邊郡

朱佺

中奉大夫直徽猷閣知明州軍州兼沿海制置司公事紹熙四年二月二十二日到任

進士題名記

端拱二年陳堯叟榜

楊說

王慈

淳化三年孫何榜

李泳

咸平五年王曾榜

許鉉

景德二年李迪榜

郎簡

盧御微

張合

祥符五年徐鉉榜

王周

葛源

祥符八年蔡齊勝

沈偕

許惲

天聖二年宋郊勝

沈兼

天聖五年王堯臣勝

李奔

虞協

天聖八年王拱宸勝

朱公綽

施渥

景祐元年張唐卿勝

許敏

沈言

景祐五年呂溱榜

丁漸

慶厯二年楊寅榜

沈起

申屠會

周造

慶厯六年賈黯榜

陳詵

馮準

王該

周處厚

子造之

李撫辰

俞翺

沈絳

皇祐元年馮京榜

杜諮

郭暨

陳翊

皇祐五年鄭獬勝

盧隱

陳詒

詒之弟

樓郁

陳諒

諒之兄

項晞

葛良嗣

周師厚

師厚之弟

嘉祐二年章衡勝

陳輔

輔之弟

劉仲淵

于銳

嘉祐四年劉焯勝

俞充

朱長文

豐稷

嘉祐六年王俊民勝

童子

項瞻
瞻之弟

袁叡

嘉祐八年許將勝

葛蘊

馬碩

陳謚

柳詔

治平二年彭汝礪勝

樓常
師之

舒亶

治平四年許安世勝

馮師古

熙寧三年葉祖洽勝

王欽宗
廟諱

王夬
周之子

馮景

沈輔臣

熙寧六年余中榜

項傳

子瞻之

俞偉

叔允之

韋著

熙寧九年徐鐸榜

陳伯疆

姚肇

杜杞

樓光

子郁之

翁蠟

王說

兄諒之

郭渾

弟暨之

元豐二年時彥榜

吳矜

周鏐

子師厚

陳諤

弟諒之

元豐五年黃裳榜

江炳

翁升

俞夔

豐安常

稷之子

陳搆

諒之族

王璿

說之子

楊總

周溫厚

造之子

陳謙

諒之堂弟

元豐八年焦蹈勝

樓昇

常之子

陳詡

諒之子

王景賢

元祐三年李常寧勝

吳正平

姚希

張宏

舉經明行修

陳摠

摠之弟

陳諷

諒之堂弟

王發

姚竦

元祐六年馬涓勝

童韞

袁灼

嚴之子

劉渭

俞伸

偉之弟

吳遵古

矜之子

元祐九年畢漸勝

俞表

偉之子

胡幹化

舒介

夏之兄

沈俞

紹聖四年何昌言勝

蔣璿

馮涇

童韞

釋之堂兄

茹開

夏敦

吳博古

遵古之兄

元符三年李釜勝

陳禾

謹之子

陳拊

揭之弟

郭敦實

賢之子

馮軫

樓弁

常之子

汪洙

楊師旦

崇寧二年霍端友榜

周銖

師厚之子

李育

崇寧五年蔡薺榜

馮滋

涇之弟

蔣琬

璿之弟

馮子濟

涇之弟

夏承

敦之子

汪思齊

洙子

曹貫

顧文

汪鎮

大觀二年舉遺逸榜

陳之翰

伯強之兄

于定

銳之子

大觀三年賈安宅勝

王珩

說之子

胡旦

吳升

矜之從弟

蔣安義

翁斯

貝雲

姚阜

希之堂弟

張郭

宏之姪

陳伯修

伯疆之兄

政和二年莫儔勝

汪思溫

洙之子

王庭秀

發之子

張邦彥

宏之姪

林保

林霍

保之堂弟

徐特

王玉

該之子

李嗣宗

政和五年何稟勝

樓航

劉待旦

政和八年嘉王勝

林孝雍

陳時舉

陳秉舉諱之子

姚持

阜之姪

桂舟

陳宗翰

諱之行孫

吳秉義

升之子

汪廷彥

鎮之姪

史才

薛朋龜

王勳

說之孫

姚大任

持之堂弟

陳休錫

諱之姪

林唐

顧良能

文之父

樓官

仰之子

宣和元年上舍釋褐

樓瑋

航之子

宣和三年何煥勝

王璠

何涇

楊正權師旦之孫

吳秉信

升之子

莫昌

張宣

宏之弟

宣和六年沈晦榜

王璧

庭秀之子又于紹興五年魁博學宏詞科

曹粹中

貫之姪

林孝友

孝苑之弟

于銓

銳之弟

汪廷衡

鑑之子

雋成可

江興文

建炎二年李易榜

張嗣良

于閑

銓之子

嚴翼

馮輓

輓之從叔

紹興元年上舍釋褐

高閔

紹興二年張九成榜

王瑋

號之弟

于庭式

定之子

薛靖

開龜族

史純臣

周廣譽

葉之才

郭敦頤

敦實從弟

紹興五年汪應辰榜

石師能

史師雄

鄭若谷

趙敦臨

高安世

閔之兄

劉濤

陳該

黃麟之

紹興八年黃公度榜

吳邦傑

遵古之孫

蔣秧

璫之從姪

陳曦

禾之子

余遇

蔡毅

徐公庠

特之子

林端

汪思文

洙之姪

何修文

紹興十二年陳誠之榜

豐至

履之姪孫

姚孚

京之子

俞觀能

夢之子

姜濤

褚棣

蔣表

鄒審權

翁褒

吳秉

升之子

陳晉錫

休錫弟

紹興十五年劉章榜

汪大猷

思溫之子

史浩

才之姪

張濟

嗣良從兄

乾道十二

古

周維

莫冠卿

王淪

其孫

林大節

孝雍從子

高閻

安世之弟

陳珍

林嵩

沈子霖

紹興十八年王佐勝

沈中立

童大定

方逢辰

陳雲從

紹興二十一年趙達勝

方天保

陳居仁

裴定

吳化鵬

張遜

任三傑

項伋

傅之從弟

紹興二十四年張孝祥榜

蔣鐔

璿之從弟

王鐸

紹興二十七年王十朋榜

方南強

天保之弟

顏師尹

姚僎

胡滂

旦之姪

陳栖筠

卅之姪

紹興三十年梁克家榜

樓鏐

昇之孫

樓鉉

昇之孫

卞園

高文虎

安世之姪

葉時

王明發

鄭鏐

劉候

沈元憲

莫堂

冠卿之子

黃巖叟

董彌明

翁才

舒猷

隆興元年木待問辟

李唐卿

李霖

鄭若容若谷弟

樓鑰

昇之孫

張良臣

林圭

馮緯文

澤之孫

汪大猷

思文子

林頤

嵩之孫

張孝伯

王廣

邊友問

趙省

趙大方

李燾

孫之

薛敏思

劉繼孫

劉宏

嚴九齡

龍之弟

章亦頌

任允迪

陳綸

居叔

傅巖

乾道二年蕭國梁勝

施純仁

楊王休

俞茂系

觀能之子

高開

安世弟

沈銖

子霖之子

俞茂先

觀能之子

乾道五年鄭僑勝

楊簡

王時會

時鉞之弟

沈煥

銖之子

袁章

王時毅

時會之兄

史彌大

浩之子

戴樟

沈鏜

銖之弟

楊正功

葉遜志

林東之

嵩之族

刊誤

太守題名記

惟治繼

盧本繼下有之字

徐琛

四月十日

盧本有初字寶慶志亦有

趙伯圭

八年三月

盧本八年上有乾道二字○按圖經體例自張津以上凡書到

任之年必繫年號去任之年惟改元則書否則蒙上但云幾年而已此各本竝同者也趙伯圭以下餘本亦依舊例惟盧本無論改元不改元盡繫年號核之書法似盧本為繁冗而揆諸情事實餘本有脫略也蓋趙公以下盡為後守續增而續增者不過自記其到任年月至後守又復續增乃始追記前守之去任年月記載一人實出兩手故不復考覈舊例重書舊號耳今悉依盧本補錄於此○皇子魏王淳熙七年○范成大淳熙八年○趙師夔淳熙十三年○岳甫淳熙十五年淳熙十六年○高鑾至紹熙三年○進士題周鏐師厚子注家世竝有之字○按盧本凡所記之字不復觀縷

四明圖經卷十二

鄞 徐時棟校刊

四明圖經序

山海有經輿地有圖郡邑有圖經此古今所共由而一日所不可闕者也蓋天下之阨塞戶口之多寡不有載籍以著其所以然則所謂阨塞多寡者雖欲具知而不可得此博古之士所以勒成一書以昭後世而傳無窮也爰自大觀元年朝廷創置九域圖志局命所在州郡編纂圖經於是明委郡從事李茂誠等撰述故地里之遠近戶口之主客與夫物產之異宜貢賦之所出上而至於人物古跡釋氏道流下而至於山林江湖橋梁坊陌微而至於羽毛鱗介花木果蔬藥茗器用之類靡不

畢備書成未幾而不幸厄於兵火遂致存者亡全者毀
前日之所成者泯然而不見制置直閣張公治明之二
年政成民和郡以無事乃登黃堂而歎曰明之爲郡亦
久矣在古爲餘姚之墟在漢爲會稽之境逮唐武德中
而卽鄞置縣開元中而卽縣爲州山有四明洞有梨洲
有孫興公見之於賦有梅仙虞喜之所廬有任奕董黯
之人物有王密房琯之德政有建隆郡守康憲錢公億
之墓有熙寧宰相荆國王文公之祠其他山川勝槩章
章在人耳目者未易以縷舉而圖經則闕焉詎可不搜
訪遺亡以補四明之故事也哉公乃分委僚屬因得舊

錄更加採摭纂爲七卷又以篇什碑記等爲五卷附於其末噫年厯四十餘守更數十政其間非無銳意立事欲作爲一書垂之永遠者或因循未暇今公啟是念於黃堂之上財六旬而篇帙粲然大備鳩工刊木昭示將來信乎天下事非立志堅而用意到疇能有成哉乾道五年四月初一日右修職郎新處州縉雲縣主簿主管學事三山黃鼎序